

LIJEČNIČKA KOMORA UNSKO-SANSKOG KANTONA

PRAVILNIK O NAGRADAMA I PRIZNANJIMA LIJEČNIČKE KOMORE UNSKO-SANSKOG KANTONA

Bihać, decembar 2016. godine

Na osnovu člana 14. Statuta Liječničke komore Unsko-sanskog kantona, Skupština Liječničke komore USK-a, na elektronskoj sjednici održanoj dana 26.12.2016. godine donosi

**Pravilnik
o nagradama i priznanjima Liječničke komore Unsko-sanskog kantona**

I OSNOVNE ODREDBE

Član 1.

Odredbama Pravilnika o nagradama i priznanjima Liječničke komore Unsko-sanskog kantona (u daljem tekstu: Pravilnik) utvrđuje se postupak i način dodjeljivanja nagrada i priznanja Liječničke komore Unsko-sanskog kantona (u daljem tekstu: Komora).

Nagrade Komora dodjeljuje svojim istaknutim članovima, kao i drugim pojedincima, institucijama, organizacijama i pravnim licima, zbog posebnog doprinosa Komori u promicanju i čuvanju najviših vrijednosti liječničke profesije, te unapređenju i razvoju liječničke djelatnosti.

II NAGRADE KOMORE

Član 2.

Nagrade Komore su:

1. POVELJA
2. PLAKETA
3. DIPLOMA i
4. ZAHVALNICA

Izgled nagrade

Član 3.

Vizualni izgled nagrada Komore iz člana 2. ovog Pravilnika utvrđuje Izvršni odbor Komore.

POVELJA Liječničke komore Unsko-sanskog kantona

Član 4.

Povelja, kao najviše priznanje Komore, dodjeljuje se članovima Komore, te drugim pojedincima, institucijama, organizacijama i pravnim licima, koje su značajno doprinijele podizanju ugleda i promicanju značaja i statusa liječništva u društvu.

PLAKETA Liječničke komore Unsko-sanskog kantona

Član 5.

Plaketa se dodjeljuje članovima Komore, te drugim pojedincima, za vrijedan doprinos radu i organizaciji Komore na području Unsko-sanskog kantona, kao i za doprinos u promicanju vrijednosti Komore, te za pomoć u ostvarivanju temeljnih zadataka, projekata i ciljeva Komore.

DIPLOMA Liječničke komore Unsko-sanskog kantona

Član 6.

Diploma se dodjeljuje

- članu Komore koji je svojim **profesionalnim radom** ostvario u liječničkoj praksi najzapaženije stručno ostvarenje na području liječničke profesije,
- članu Komore koji je objavljivanjem svog izvornog **naučnog rada** u naučnim časopisima značajno doprinio unapređenju liječničke struke i profesije,
- članu Komore koji je na poseban način iznimnim djelovanjem **zaštitiio prava liječnika**, te pridonio promicanju interesa liječništva, te
- drugom licu koje je svojim djelovanjem značajno doprinijelo **jačanju ugleda liječnika i promociji liječničke struke u javnosti**.

ZAHVALNICA Liječničke komore Unsko-sanskog kantona

Član 7.

Zahvalnica se dodjeljuje u znak priznanja i zahvalnosti za postignute rezultate na ostvarivanju ciljeva i zadataka Komore.

III KOMISIJA ZA DODJELU NAGRADA I PRIZNANJA Liječničke komore Unsko-sanskog kantona

Sastav Komisije za dodjelu nagrada i priznanja

Član 8.

Komisija za dodjelu nagrada i priznanja (u daljem tekstu: Komisija) sastoji se od pet članova Komore, a koju čine predsjednik, potpredsjednik i tri člana Komisije koji se biraju na četiri godine, sa mogućnošću izbora za još jedan mandat.

Rad Komisije za dodjelu nagrada i priznanja

Član 9.

Komisija prikuplja i razmatra prijedloge za dodjelu nagrada i priznanja, te izrađuje konačan prijedlog dodjele nagrada.

Prijedlog za dodjelu nagrada i priznanja Komisiji može podnijeti svaki član Komore.

Članovi Komore ne mogu sami sebe predložiti za dodjelu nagrada i priznanja Komore.

Svi prijedlozi za dodjelu nagrada i priznanja Komore podnose se u pisanom obliku, sa pripadajućim obrazloženjem.

Član 10.

Komisija radi u sjednicama koje saziva predsjednik Komisije.

Sjednica Komisije može se održati ako je prisutna najmanje natpolovična većina izabranih članova Komisije.

Komisija prikuplja i razmatra prispjele prijedloge za dodjelu nagrada i priznanja, te izrađuje konačan prijedlog dodjele nagrada i priznanja.

Članovi Komisije glasaju javno, a odluka o konačnom prijedlogu Komisije je pravovaljana, ako je za odluku glasala natpolovična većina prisutnih članova.

Ukoliko kandidat za dodjelu nagrada i priznanja ne udovoljava uvjetima za dodjelu predloženog priznanja, Komisija može razmotriti, u okviru mogućnosti, prijedlog za dodjelu druge nagrade ili priznanja.

Član 11.

O dodjeli nagrada i priznanja odlučuje Izvršni odbor Komore na osnovu konačnog prijedloga Komisije.

O vremenu, mjestu i načinu uručivanja nagrada i priznanja odlučuje Izvršni odbor Komore, a nagrade i priznanja uručuje Predsjednik Komore ili osoba koju on ovlasti jednom godišnje na prigodnoj svečanosti u organizaciji Komore.

Član 12.

Odluka o dodjeli nagrada i priznanja objavljuje se na službenoj stranici Komore, dnevnoj štampi i ostalim sredstvima informisanja.

IV PRIJELAZNE I ZAVRŠNE ODREDBE

Član 13.

U prilogu ovog Pravilnika objavljuje se obrazac prijedloga za dodjelu nagrada i priznanja Komore.

Član 14.

Ovaj Pravilnik stupa na snagu danom donošenja, a objavljuje se na službenoj stranici Liječničke komore Unsko-sanskog kantona.

Predsjednik
Skupštine Liječničke komore USK
Dr. Goran Galić